

AD
 VIRUM
Magnificum & Amplissimum
 DOMINUM
JOANNEM
CZIMMER-
MANNUM,

Pro-Consulem Reipublicæ Thoruniensis,

Longe meritissimum, gravissimumque;

*Cum insperata morte Filium unicum
 ademptum*

JOANNEM
CZIMMER-
MANNUM,

Secretarium hujus Civitatis dignissimum
acerbe lugeret,

obsequiosissimus Client

J. G. ZOEBNERUS.

THORUNII,

Imprimebat Johannes Conradus Rügerus, Nobiliss. Senatûs & Gymnasii Typographus.

Ræsentissimi doloris tenacitas, quæ
nullum fere interpretem admittit,
mavult sub humanitatis intemperie
Affectui Tuo obstrepere, quam fastidioso si-
lentio iniquiorem sortem admirari. Pa-
ternum obtestari non dubito animum, ex quo
cum filialis amor suum duxit, reduxitque Spi-
ritum, lenta fauciatur ægritudine. Probe enim
cognovi, quam arcano studio Naturæ fera-
tur bonitas; dum origini suæ in haerens, per
molestam avulsionem, nonnisi vitæ partem
decerpere potest. Quare ut resideat, & à pri-
ma teneritudine deflectat innata Propensio,
eo minus optandum, quam sperandum, fo-
ret. Vix quippe indoles indoli ita adversa-
ri solet, quo non in placida æqualitate recum-
bat & sibi videretur incitamento. Dubitave-
rim certe, in isto fatorum consilio, num ma-
jorem se iisdem præstare præstet, num mi-
norem acquiescere, sit potioris? Nec infitior
sanctioribus Reipublicæ muneribus Te *Virum*
Magnificum assuefactum eo meritis assurre-
xisse, ut excelsæ mentis compos inferiores
vices transcendas, nihilominus tamen

Necessitate qui minorem se gerit

Sapit ille vere, & conscius cælestium est.

Quis enim legem adamantinam æterno
robore stabilitam eadem constantia perferat
homo, qui imbecillitati suæ perpetuo assidere

debet.

debet. Est quædam labes, quæ inter bonam, sinistram-
que partem tacita ducit confinia, & sibi ipsi tanta levi-
tate implicatur, ne mutari ullo modo queat. Qvan-
quam igitur animus ultra casuum incerta nonnunquam
se se exerat, adhærescit tamen glebæ, & commiscetur,
in quam calamitatum & alternantis infortunii Chaos
semper confluit. Neque in foro divino excusaretur ta-
lis à rebus sublunaribus exemptio, quæ considerando nihil
desideret, & quod aliis incendium, luminis loco, quod
prodigium, sideris instar, habeat & veneretur. Quin
& affectuum vires, si justæ relinquantur mensuræ, non ali-
am ob causam, humanam mentem efformant, quam quod
sint radices ingenitæ, quarum fructus in scena rerum mun-
danarum versanda, prout ceciderint, morantur & consi-
stunt. Si que in partem vasta illa orbis compages voce-
tur, cuius Svavissimum complexum exhibemus, quævis
tam sensibili motu concitantur, ut connexo quasi dolore
aggemant. Non tamen eo redit sententia mea, quasi
in non degeneris FILII necem *Optimus Parens* iteratum
luctum planctumque effundat, non avellendus. Inter
enim ipsam virtutem qui defungitur, nunquam poste-
ritati, neque superstiti gloriæ deest. Nec obstat Flos
juventutis, in præclara se se erigens *Exempla*; cum enim
ille in germina adolevisset, longiorem ætatem præoc-
cupare necessum habuerat. Sæpe obrepit non intelle-
cta senectus incautos, antequam se vita dignos sentiant;
jam autem *Vir Magnifice* magis ob vota ulterioris gau-
dii, quam spem altioris frugis, quæ plena erat, dolendum
tibi sumis impallescentem FILIUM. Viles equidem cur-
væque animæ toties moriuntur, quoties suos amittunt,
non vero Patriæ Culmina, in quibus emines. Minime
existimandum, quod Decus Tuum in Filio distinxeris,
quale nunc jacturam haud vulgarem pati posset, nam
quod per stirpes propagatur, ita communicat, ut nihil
capiat detrimenti. Hoc uno magnum decesit Felici-
tatis momentum, quod *Tuus dulcissimus Joannes* digni-
tatem, quæ ipsum expectavit, expectare ultro sustinuerit.

Scilicet

Scilicet novum cœli hospitem impatientia fragilitatis
terris inviderat, spumasque honorum, subsequenti bea-
titudini longissime postposuerat. Ingens & derogatur
solatii fiducia, de hæredio Virtutum paternarum, quas
magis fixa memoria; atque literatus lapis conservabit.
Nihilofecius, quo acerbior illa clades, quæ *Pectus Tuum*
afficit, eo lætiori triumpho *pii* erunt *manes*, dum lauda-
bilem vitæ hujus mercedem, pretiosum compensabit au-
ctoramentum. Sufficere posset *Tibi dignissimo Patri* vi-
disse Filium, quod per Naturæ gratiam illustre benefi-
cium, nec tamen intra hoc substitit benignior fors, quæ
æmulum & Ectypon dederat, donec indulgisset parem,
& conamine & egregio specimine, & civili munere, ubi
solos gradus, per quos jam dudum consummato æstimo
reddituses, excipias. Credendum itaque, delicias illas ma-
turras, quas delibasti, eo devenire oportuisse, unde a-
pud nos terminum, apud cœlicolas sua ducerent primor-
dia. Hinc ut consenescat luctus, suisque adstituatur me-
tis, tum vovere, tum expetere meum est. Meum, in-
quam, si tam beato mihi esse liceat, ut adstrictissima Tuis
studiis, *Vir Magnifice*, facultas propioris aditus adipiscatur libertatem.
Quod enim æqua cervice decet tolerare, id demum superasse alacri-
ter insigni cum fanore redundat. Convenit insimul, tanti permittere
animo, publica cura imbuto, quanti in gravi malorum mole commu-
ne vulnus exaggerata sanie non recrudescat. Contendent omnino, Ci-
ves, nec patientur sibi eripi Consulem, qui Patris vicem tam serio ad-
implere cupiet. Sed nec pristini illi rerum gerendarum Spiritus ad
illatibilem gemendi solitudinem retundendi erunt, quos Respublica
sibi vindicat & jure quodam asserit. Cum ergo *Totum Te* debeas a-
liis, aliique *Tibi* toti devolvant sua, vix demisso in interiora, publicis
privata attemperare justum fuerit. Mihi de lugubri hoc funere, quod
& celeritate & gravitate funestissimum accersivit dolorem, talia obver-
santur Phænomena, quæ non evestigio sunt disparitura, & Matrem
æstumatissimam & Læctissimam Viduam, longis excitatura molestiis.
Nec aliter infestum fulmen, quod ante ferit, quam flamma micat, su-
um prosequitur impetum, dum præfestina violentia attonitos quosque
reddidit lamentabilis illa Catastrophe. Facile igitur dabis veniam, *Vir*
Magnifice, si intercludant gemitus verba & suspiria premant vocem,
nisi tacite admonear, DEum ut venerer, quo avertens imposterum
tam duras fati leges pro amplissima familia Tua in perpetuum stabili-
mentum excubare dignetur. Dabam cccccvii. d. XVII. Febr.